

Sermon PJJ
Km 7 Medan
12 - 18 April 2026

2 Korinti 4:7-12

Erta Erta Pertendin
(Rangkaian Paskah)

Kata Perlebe

Teks si jadi bahan PJJ nta minggu si reh, eme jantung pembelan rasul Paulus, janah teks enda pe sekaligus jadi landasen ntah palas ibas kita ndalanken pendilo guna ngelai bas gereja-Na. Paulus make metafora si kontras guna njelasken kontradiksi ntah pe paradoks bas dahiken dahin pelayanen eme: kemulian ras gegeh si mbelin ibas kinata kegeluhen si dem kiniseran (merampepek/kerapuhan yang nyata). Alu kata si deban, ibas perdalanen kinitekenta ras ibas ndahiken dahin pelayanen, maka sialoken me kemulian ras gegeh idur Dibata nari, tapi bas kinata kegeluhenta lit erbage-bage perbeben ras kiniseran si ni alaken kita bas tep-tep wari.

Isi

Ibas kegeluhenta, Erta-erta pertendin ibas cakap Indonesia iterjemahkan harta dalam bejana tanah liat. Si enda me realita pelayanan: Bejana Tanah Liat . Secara hermenutik, istilah “bejana tanah liat” si ncidahkan kempak sada benda si murah la meherga, merampek, menukah pecah. Ibas tradisi si adi, wadah enda ntah pe bejana enda ipake guna ingan sampah ras nimpan barang si la merga.

Paulus milih istilah si enda guna menekankan pemahamen teologis terlebih kita si ngelai sebagai serayanNa. Emaka alu bage, sigejapken maka:

Kita labo bejana emas si erndilap perban pendahinta secara pribadi

Kita manusia si dem alu keterbatasanen, subuk secara fisik, emosional, bagepe pemeteh ras kepentaren

Tujun teologis: “...gelah teridah maka gegeh si mbelin e ibas Dibata nari kap, lano ibas kami nari” (ay.7). Ertina ibas keterbatasanen ras kelemahenta si merampek, ije me dalanna teridah penampat ras kuasa Dibata.

Isi

Ibas kinata pelayanen, enda me dialektika perbeben nta pe kiniseran ras gegeh si rehna idur Dibata nari. Paulus nuriken ibas ayat 8-9 secara kontras si ncidahken realitas pelayanen nta pe kegeluhen kinitekenta.

Arah apai pe kami itindih, tapi la kami merimpuk

Bingung kami, tapi la seh putus asa

layak-ayak musuh, tapi la kami itadingken Dibata

Idampesken kalak, tapi la seh getem

Si enda kerina ibas teologia sistematika ncidahken teologia salib. Ija kemulian Dibata labo gelah la ngenanami kiniseran, tapi ikut ibas ngenanami kiniseran. Si enda teridah ibas perdalanen kegeluhen kinitekenta, ija erbage-bage perbeben ras kiniseran si reh nderpa kita, si menam-menam erbanca kita bagi idampesken, menam meripuk tergejap bas ngalaken erbage-bage perbeben geluh, tapi erta pertendinta eme Injil, Berita Si Meriah si nggeluh bas kita, em si njagai kita tetap ngasup ndalani kegeluhenta si dem alu perbeben enda.

Isi

Jenari bas ayat 10-12, mbabai kita terdauhen ku bas persadanta ras Kristus. Alu kata si deban, ibas kita ndalani geluh kinitekenta, kiniseran ras kematen Kristus tetap lit ibas kegeluhenta selaku kalak si erkiniteken man Kristus Jesus. Si enda iantusi alu: Kematen Kristus ibas dirinta eme ngasup ngamper bana (menyangkal diri), meteruk ukur ras dem kesabaren ibas ndalani geluh kiniteken bagepe ndahiken pelayanen. Kegeluhen Kristus ibas perpulungen, asum kita ngasup naluken kedagingenta, egonta, ambisinta ije me Kristus nggeluh ibas dirinta, ibas pelayanenta si teridah ibas kerina dampar kegeluhenta, terlebih ibas kegeluhen ngawan perpulungenta. Enda me nina Paulus, “dage kematen e erdahin ibas kami, tapi kegeluhen erdahin ibas kam” (ay.12). Erbage bage perbeben ras kiniseran ndahiken dahin pelayanen, si enda me si pake Dibata guna ngelai ngawan perpulungenta, segelah perpulungen pe megegeh ras ngasup nggeluhken geluh kinitekennta tep-tep wari.

Pengkenaina :

Pendungina, lit piga-piga hal si jadi gelementa ibas ndalani geluh kinitekenta, janah si enda me si perlu jadi gelementa, subuk sebagai serayan bagepe ngawan ni perpulungen.

***Kiniteruken Ukur (kerendahan hati)**

Ula min sempat turah ukurta selaku serayan maka, kiniulin ntah pe keberhasilen pelayanenta si enda erkiteken kebeluhenta, kepentarenta, kehebatenta ngaturken dahin pelayanen ntah pe karismanta. Haruslah tetap si singet maka kita enda kudin taneh nge ngenca, si erbahanca meherga eme erta si lit ibassa, eme gegeh si mbelin si ibereken Dibata man banta kalak si tek. Ema erta-erta pertendin (harta dalam bejana)

*** Kinigenggengen (daya tahan)**

Megati ibas ndahiken dahin pelayanen, ntah pe ndalani geluh kinitekenta rusur turah pengakap ntah pe si gejakken kinilatihen, putus asa, seh mawen lanai kerinta rukur bas kegeluhenta. Si ena me bagin si jadi dinamika bejana ntah pe kudin taneh. Bas kondisi si enda me tergejap kuasa ras gegeh idur Dibata nari, ibas kita ngakui

Pengkenaina :

***Fokus kubah Injil**

Erta pertendin eme berita keselamatan si enggo sialoken kita arah Berita Si Meriah (Injil). Alu bage ibas kerina dahin pelayanenta, bagepe geluh kinitekenta tujunna eme guna kemulian Kristus, labo guna dirinta ras kepentingenta.

Alu bage, maka kerina kita selaku kalak si erkiniteken ngasup ngidah kerampeken ntah pe retaken si teridah ras sinanami kita selaku kudin taneh bas kegeluhenta, labo jadi penghalang, labo jadi hamabaten sebab arah kegeluhenta si la sempurna, ije me teridah terang kemuliaan Kristus ibas kegeluhenta. Si enda me jadi kesaksinta, enda me si jadi erta-erta pertendinta selaku kalak si erkiniteken.

Diskusi